



公之神周八方三過跡留吾鄉
撫遺像奉辦香護茲冊垂無疆

後學馮應榴敬題



王宗稷編蘇文忠公年譜

傅藻紀年錄全附

編應案施武子所爲年譜已不傳五羊王宗稷年譜見於宋史藝文志者今尙存邵長蘅重加訂正補以傅藻紀年錄并據長蘅曰年譜綜其大端紀年核於日月要亦互有得失今以年譜爲主而紀年之可取者節鈔分注以備參考彙取存瑜庶幾全璧年譜有數條誤處如臘日遊孤山訪僧詩應在辛亥而誤入壬子遊風水洞諸詩應在癸丑而誤入甲寅又見顧秀才談惠州風物之美詩應在南遷度嶺而誤入北歸之類俱爲刪正其詩文無大關係而年譜未載者雖歲月可考不更增入以譜年與譜詩異也云云案紀年錄亦南宋人所作其編次詩文歲月較詳今仍全附於譜下不嫌複贅也至查慎行年表與譜錄複者從刪餘亦採附翁方綱又有考正四條竝附錄焉余所訂補亦各附注於後至先生所經累朝政事及同時之人凡與詩集有關涉而可考據者大端已載餘皆見各詩註中不復全載年譜亦猶邵氏不全增入詩文之例也又案外集卷首亦引年譜僅紀宦遊歲月而已末云譜先生出處歲月者幾十家如汴陽段仲謀清源黃臨粹五羊王宗稷仙溪傳薦可特詳者然皆不免差誤近將先生諸集參以諸譜定著一篇甚備從別刊傳云云今段黃二譜既不傳而所謂定著一篇亦不可得矣

傅藻紀年錄公姓蘇諱軾字子瞻一字和仲眉州眉山縣人也蘇氏出高陽而蔓延于天下唐神龍初長史味道刺眉一子畱眉眉有蘇氏自此始公高大父祐曾大父杲大父序三世皆不顯序三子曰澹曰渙曰洵洵字明允公父也澹渙皆以文學舉進士而渙至都官郎中序以渙官故任大理評事致仕累贈尙書職方員外郎明允少不喜學年二十有七始發憤讀書六年而大究六經百家之書娶大理寺丞程文應之女生三子曰景先曰軾曰轍景先早世嘉祐間明允與公同其季子由至京師

父子皆知名時號三蘇而以老蘇別其父歐陽文忠公得老蘇著書二十二篇以爲荀卿子文也乃繳進之召試紫微閣辭不就遂除秘書省校書郎會修纂建隆以來禮書授霸州文安縣主簿食其祿與陳州項城令姚闢同著太常因革禮一百卷書奏未報卒年五十八英宗聞而哀之特贈光祿寺丞公會大父以公與子由登朝贈太子太保大父贈太子太傅父贈太子太師程氏追封成國太夫人公娶鄉貢進士王方之女諱弗亦眉人也追封通義郡君繼室以其從女弟諱聞之字季章封同安郡君子三人長曰邁雄州防禦推官知瀛州河間縣次曰迨次曰過皆承務郎孫男十四人簞符箕筌籌簞簞籍節笈簞簞公有一東坡集四十卷後集二十卷奏議一十五卷內外制一十卷責齊安日因宮師之學作易傳九卷又作論語說五卷僮耳又作書傳初公與子由師其宮師最好賈誼陸贄書後讀莊子以爲得其心晚讀釋氏書深有所悟參之孔老博辯無礙浩然不見其涯也宮師公慶歷間宦學四方成國夫人親授公書問古今成敗輒能語其要比冠學通經史日數千言嘉祐二年唱第錫宴瓊林與蔣魏公接席情話約卜居陽羨初倅錢塘謁親黨單君貺問田及移臨汝自言有田陽羨建中靖國初奉祠玉局畱毗陵居無何請老而終公生岷峨負當世大名道德文學政事輝映今昔自居雪堂遂成求田之計而文登謝表云買田陽羨誓畢此生乃卒如其言夫豈偶然者公薨也吳越之民相與哭于市君子相與弔於家計聞四方人皆咨嗟出涕太學士人數百相率飯僧惠林佛舍公之子文得之于天山谷嘗評云公之文字言語歷劫贊揚有不能盡者

檀案先生集中

有蘇廷評行狀中云澹不仕渙以進士得官與紀年錄異或澹得第後不仕也

仁宗皇帝景祐三年丙子

先生生於是年十二月十九日乙卯時案先生送沈達詩云嗟我

與君皆丙子又有贈長蘆長老詩云與公同丙子三萬六千日

此答徑山長老詩也本集句云與君皆丙子各已三萬日年譜疑誤又案玉局文云十二月十九日東坡生

日置酒赤壁磯上又案志林云退之以磨蝎爲身宮而僕以磨蝎

爲命若以磨蝎爲命推之則爲卯時生議者以先生十二月爲辛

丑十九日爲癸亥日丙子癸亥水向東流故才汗漫而澄清子卯

相刑晚年多難紀年錄十二月十九日卯時公生於眉山縣紗縠行私第

二月辛丑十九日壬戌癸卯時生則其所定年譜必首載之而今亡矣翁方綱云一本作乙卯時當卽指王宗稷所編年譜也今考壬戌日則當爲癸卯時癸亥日則當爲乙

卯時考宋史及李燾續通鑑長編是年十二月不書朔長編書九月丙子朔十月乙巳朔十一月乙亥朔是九月小盡十月大盡也以此推之若十二月朔承小盡則甲辰朔

承再大盡則乙巳朔十九日之一爲壬戌一爲癸亥因是而岐王宗稷施德初同南宋時必各有所據而今則無考惟以日者祿命之書揣之似癸亥乙卯與先生生平相合

又考宋仁宗景祐三年即遼興宗重熙五年據錢大昕云遼史朔考重熙五年十二月朔宋乙巳則十九日生當是癸亥日乙卯時非壬戌癸卯也又先生高祖諱見宋本朋

九萬烏臺詩案曾祖以下俱見墓誌及蘇廷評行狀又查氏於冬至日贈安節詩注引年譜老蘇公三子長曰景先早沒故先生初字和仲子由初字同叔云云考今本年譜無此數語惟紀年錄首載之又樂城集次韻子瞻寄賀生日詩云弟兄本三人懷抱喪其一頎然仲與叔耆老天所隲又先生每自稱趙郡蘇某考外集廷評行狀云其先蓋趙郡樂城人又元和姓纂趙郡蘇姓稱蘇章之後因官趙州唐鳳閣侍郎蘇味道卽趙郡之蘇也

四年丁丑

寶元元年戊寅

查慎行年表是年十一月改元

二年己卯

續案是年二月二十日子由生

康定元年庚辰

年表是年二月改元

慶歷元年辛巳

年表是年十一月改元

二年壬午

是年先生七歲已知讀書案先生上韓魏公梅直講書云自七八

歲知讀書又案先生長短句集洞仙歌自敘云僕七歲時見眉州

老尼姓朱年九十餘能知孟昶宮中事又考冷齋夜話載先生云

某七八歲時常夢遊陝右

紀年錄是年公知讀書上韓大尉與梅直學云某七八歲知讀書

學爲孺童子何知惟公我師書誦其文夜夢見之

三年癸未

是年先生八歲入小學案志林云吾八歲入小學以道士張易

爲師師獨稱吾與陳太初者又案先生作范文正文公文

歷三年某始入鄉校士有自京師來以魯人石守道慶

示鄉先生某從旁竊觀問先生十一人何人也先生曰童子

知之某曰此天人也邪則不敢知若亦人耳何爲其不可

某公云

學道士張易簡爲師見書陳太初事范文正文公文案敘曰某始總角入鄉校士有自京師來以魯人石守道慶聖德詩示鄉先生某從旁竊觀則能誦焉其詞甚奇生所以頌十一人者何人也先生曰童子何月知之某曰此天人也邪則不敢知某亦人耳何爲其不可先生奇某言盡以告之且曰某意氣大勇也

盡了則已私識之矣又
曰以八歲知敬愛公

四年甲申

五年乙酉

案子由作先生墓志云公生十年而先君宦學四方太夫人
以書問古今成敗輒能語其要太夫人讀東漢史至范滂傳
太息公侍側曰某若爲滂夫人亦許之否乎夫人曰公能爲
滂顧不能爲滂母邪公亦奮厲有當世志太夫人喜曰吾子
案大全集載東坡少時語云秦少章言東坡十來歲蘇公作
侯太初論有人能碎千金之璧不能無失聲於破釜能爲
能無變色於蜂蠆之語老蘇愛此論年少所作故不傳又
麟所編侯鯖錄云東坡年十歲在鄉里見老蘇誦歐公書宣

學士院仍謝賜對衣金帶及馬表老蘇令坡擬之其間有匪伊垂之帶有餘非敢後也馬不進老蘇喜曰此子他日當自用之

六年丙戌

七年丁亥

先生年十二案先生所作天石硯銘曰某年十二時於所居紗縠行宅隙地中與羣兒鑿地爲戲得異石鏗然扣之有聲又案先生作鍾子翼哀詞云某年十二先君宮師歸自江南又案先生與曾

子固書云祖父之沒某年十二矣

紀年錄是年公祖父亡與曾子固書云某逮事祖父祖父之沒某年十二矣鍾

子翼哀詞曰慶歷丁亥某始年十二先君宮師歸自江南曰吾南游至虔有隱君子鍾君與其弟概從吾游是年於所居紗縠行宅隙地中與羣兒鑿地爲戲得天石研而用之且爲之銘
檀案李廌師友談記五月十一日東坡祖序之忌日又云序號蘇七君

八年戊子

年表是年十二月以霖雨爲災頒德音改明年元

皇祐元年己丑

二年庚寅

三年辛卯

四年壬辰

先生年十七案長短句滿庭芳敘云予年十七始與劉仲達往來

於眉山

檀案續城集詩城西社下老劉君自註云微之先生門人惟僕與子瞻兄家復禮與退翁兄皆仕未知卽仲達否

五年癸巳

至和元年甲午

年表是年三月太史言四月朔日當食上避正殿改元

先生年十九始娶眉州青神王方女案先生作王氏墓志云生十

有六歲而歸於某至治平二年王氏卒年二十有七以王氏生

考之則甲午年歸于先生明矣

二年乙未

是歲先生年二十游成都謁張安道案先生作樂全先生文集敘

云某年二十以諸生見公成都一見待以國士續通鑑長編至和元年七月張方平知益

州注十一月方到故有晁美叔是年求交於先生案送美叔詩云我生

二十無朋儔當時四海一子由君來叩門若有求此條誤查氏於詩中已辨之紀年

錄是年公至成都樂全先生文集敘云某年二十以諸生見公成都公一見待以國士作後正統論

嘉祐元年丙申年表是年四月京師大雨壞官私廬舍六月雨壞太廟社稷壇詔羣臣言時政闕失九月辛卯大赦改元

史仁宗本紀也至續通鑑長編載是年京師自五月大雨不止水冒安上門關折壞官私廬舍六月乙亥雨壞太社太稷壇不言太廟宋史本紀亦無太廟字年表誤

先生年二十一舉進士案鳳鳴驛記云始予丙申歲舉進士過扶

風求舍於館人不可而出次於逆旅又有寫老蘇送石舍人敘紀年

錄公自蜀舉進士入京鳳鳴驛記云嘉祐丙申舉進士過扶風六祖贊云嘉祐初舉進士館於興國寺浴堂老僧德香之院范文正公文集敘云嘉祐元年始舉進士至京師

牛口見月詩云忽憶

丙申年京師大雨滂

二年丁酉

年表是年三月賜禮部奏各進士諸科及第出身八百七十七人親試舉人免黜落始此

禮部奏各進士又試特奏名壬午試諸科丁亥賜進士建安章衡等二百六十二人及第一百二十六人同出身已丑賜諸科三百八十九人及第又試特奏名進士諸科二百十四人同出身及補諸州長史文學與本紀數目不同又長編載是年正月翰林學士歐陽修權知貢舉又石林詩話云嘉祐間范景仁王禹玉梅公儀韓子華同事而梅聖俞爲參詳官又皇宋治述統類載殿試題民監賦鸞刀詩重巽申命論

先生年二十二赴試禮部館于興國寺浴室院案先生作興國六

祖畫贊云余嘉祐初舉進士館於興國浴室院時歐陽文忠公考

試得先生刑賞忠厚之至論以爲異人欲冠多士疑曾子固所爲

子固文忠門下士也乃寘先生第二復以春秋對義居第一及殿

試章衡榜中進士乙科始見知於歐陽公及韓魏公富鄭公皆待

以國士

禮案宰輔編年錄至和二年六月富弼爲相嘉祐元年八月韓琦爲樞密使是二年皆在京師故先生並得見也

又案先生作

太息一篇送秦少章歸京云昔吾舉進士試名於禮部歐陽文忠公見吾文且曰此我輩人也吾當避之是時士以剽裂爲文訕公者成市又有上韓太尉書云某年二十有二矣及有上梅直講書是年先生登第之後四月丁太夫人武陽君程氏憂案司馬溫公作程夫人墓志云夫人以嘉祐二年四月癸丑終於鄉里又案老

蘇寄文忠公書云二子不免丁憂今已到家

紀年錄春赴禮部文忠公知舉患時文以詭異相高

思欲救之梅聖俞與其事得公論刑賞以示文忠公公驚喜欲以冠多士疑曾子固所爲子固文忠公門下士也乃賓第二復以春秋義第一文忠公嘗令晁美叔與公定交謂公必名世且以書抵聖俞曰讀軾書不覺汗出快哉快哉老夫當避此人放出一頭地文忠公未嘗以此許人也公上梅直講書云今年春天下之士羣至于禮部執事與歐陽公實親試之誠不自意獲在第二殿試中丙科升一甲章衡爲榜首賜進士及第遂上所業及上韓魏公富鄭公曾丞相并兩制等書乞應制舉上韓魏公書曰某生二十有二年矣上曾丞相書云某自爲學至于今十有五年祭文忠公曰十有五年乃克見公公爲撫掌歡笑改容此我輩人餘子莫羣我老將休付子斯文四月八日成國太夫人亡訃至公丁憂歸

糴案長子

邁當在是年生考見後熙寧五年下

三年戊戌

年表先生年二十
三丁母艱家居

四年己亥

是歲先生年二十四服除十二月侍老蘇舟行適楚案先生南行

前集敍云己亥之歲侍行適楚舟中無事雜然有觸於中而發於

咏歎蓋家君之作與弟轍之文皆在焉謂之南行集

紀年錄公服除
冬侍官師適楚

南行前集敍曰己亥之歲侍行適楚時十二月八日江陵驛書是年荊州上王兵部書
曰自蜀至楚舟行六十日過郡十一縣二十有六公由水路至嘉州入嘉陵江由瀘渝
涪忠夔等州入峽江故作嘉州過宜賓泊牛口望夫臺仙都觀入峽出峽等詩自荆門
出陸由宜城襄鄧唐許尉氏至京故作涪陽早發漢水竹葉酒畱尉氏阮籍嘯臺許州
西湖等詩
年表十二月至江陵度歲
是年冬任孜在
平泉令任故有期任遵聖長官不至詩非平原也辨見詩下

五年庚子

是歲先生年二十五授河南府福昌縣主簿有新渠詩其敍云庚

子正月予過唐州太守趙侯始復三陂疏召渠爲新渠詩五章以

告於道路致侯之意

紀年錄公正月過唐作新渠詩過許見范堯夫文正公文集敘曰其後過許始識公之仲子今丞相堯夫是年入都

授河南府福昌簿不赴

年表正月自荊州出陸放荊州詩云柳門京國道驅馬向春

陽是年到都後授河南府福昌簿不赴王宗稷年譜謂授福昌主簿有新渠詩前後牽

混殊繆當從紀年錄

欄案烏臺詩案亦云未赴任又續

通鑑長編是年八月甲子眉州進士蘇洵爲試校書郎

六年辛丑

年表是年八月乙亥策制舉人

是歲先生年二十六應中制科入第三等有應制科上兩制書及

上富丞相書又有謝應中制科啟授大理評事鳳翔府簽判案先

生有感舊詩敘云嘉祐中予與子由奉制策寓居懷遠驛時年二

十六子由年二十三耳是年十二月赴鳳翔任與子由別馬上賦

詩到任有石鼓詩云冬十二月歲辛丑我初從政見魯叟及有鳳

翔八觀及鳳鳴驛記

紀年錄是年應制科文忠公薦公秘閣試六論舊不起草故文多不工公始具草文義燦然時以爲難又答制策復

入三等授大理評事簽書鳳翔府簽判詩敍有曰嘉祐六年予與子由同舉制策寓懷遠驛時年二十有六而子由年二十有三上吳內翰書云今年春天子將求直言之士而某適來調官京師舍人楊公不知其不肖而採其鄙野之文五十篇奏之於天子使與明詔之末上呂龍圖書云某西蜀之鄙人幼承家訓長知義方粗識名教遂暨晚節兩登進士舉一中茂材科冬赴鳳翔任十一月十九日與子由別於鄭西門之外作詩十二月作鳳翔八觀詩其石鼓詩云冬十二月歲辛丑我初從政見魯叟年表應制科與子由同入三等是冬授大理評事簽書鳳翔判官老蘇公被命修禮書旁無侍子子由奏乞留京師養親時陳公弼為鳳翔守續家續通鑑長編是年七月文安縣主簿蘇洵同編纂禮書八月乙亥御崇政殿策試賢良方正能直言極諫著作佐郎王介福昌縣主簿蘇軾澠池縣主簿蘇轍軾第三等介第四等轍對語最切直司馬光考其策入三等范鎮難之欲降其等蔡襄曰吾媿之而不敢怨惟胡宿力請絀之上不許乃收入第四等年表云同入三等誤也李廌師友談記東坡云國朝試科目在八月中旬頃將試黃門公忽感疾韓魏公奏上曰今歲制科惟蘇軾蘇轍最有聲望聞轍偶病望欲展限上許之比常例展二十日自後凡在九月蓋始于此云又云坡公凡三起草又長編載是年六月丁卯徙知鳳翔府崔嶧知河中府嶧所至貪污轉運使薛向按之急不得已移河中未幾致仕陳公弼疑代嶧知鳳翔而長編宋史俱不載又先生與陽濟甫書云即日新春起居多勝前月十四日到鳳翔十五日已交割訖是先生於十二月十四日到任也

七年壬寅

年表是年二月癸未命官錄被水諸州繫囚

先生年二十七官于鳳翔二月有詔郡吏分往屬縣決囚作詩五